



“আবার তোর মানুসই।”

১ম বর্ষ]

আষাঢ়, ১৩২৯

[৫ম সংখ্যা

শায়ক-বেঁধা পাখী

রে নীড়-হারা, কচি-বুকে-শায়ক-বেঁধা পাখী !
কেমন ক'রে কোথায় তোর আড়াল দিয়ে রাখি ?

কোথায় রে তোর কোথায় ব্যথা বাজে ?
চোখের অলে অন্ধ আঁখি, কিছই দেখিনা যে !
ওরে মাণিক ! এ অভিমান আমায় নাহি সাজে
তোর জুড়াই ব্যথা আমার ভাঙা বন্ধ-পুটে ঢাকি' ।
ওরে আমার কোমল-বুকে-কাঁটা-বেঁধা পাখী !
কেমন ক'রে কোথায় তোর আড়াল দিয়ে রাখি ?

বন্ধে বিঁধে বিষ-মাখানো শর,
পথ-ভোলা রে ! লুটিয়ে প'লি এ কা'র বুকের 'পর ?
কে চিনালে পথ তোর হায় এই দুখিনীর ঘর ?
তোর ব্যথার শাস্তি লুকিয়ে আছে আমার ঘরে নাকি ?
ওরে আমার কোমল-বুকে-কাঁটা-বেঁধা পাখী !
কেমন ক'রে কোথায় তোর আড়াল দিয়ে রাখি ?

হায় এ কোথায় শাস্তি খুঁজিস্ তোর ?
 ডাক্ছে দেয়া, হাঁক্ছে হাওরা, কাঁপ্ছে কুটার মোর,
 ঝঙ্কাবাত্তে নিবেছে দীপ, ভেঙেছে সব দোর,
 ছলে ছুঃখ-রাতের অসীম রোদন বন্ধে থাকি' থাকি' ।
 ওরে আমার কোমল-বুকে-কাঁটা-বেঁধা পাখী !
 এমন দিনে কোথায় তোরে আড়াল দিয়ে রাখি ?

মরণ যে বাপ বরণ করে তারে
 'মা' 'মা' ডেকে যে দাঁড়ায় এই শক্তি-হীনার দ্বারে,
 মাগিক আমি পেয়ে শুধু হারাই বারে বারে
 ওরে তাইত ভয়ে বন্ধ কাঁপে কখন দিবি ফাঁকি ।
 ওরে আমার হারামগি ! ওরে আমার পাখী !
 কেমন ক'রে কোথায় তোরে আড়াল দিয়ে রাখি ?

হারিয়ে-পাওয়া ওরে আমার মাগিক !
 দেখেই তোরে চিনেছি আয় বন্ধে ধরি খানিক ।
 বাণ-বেঁধা বুক দেখে তোরে কোলে কেহ না নিক
 ওরে হারার ভয়ে ফেলতে পারে চির-কালের মা কি ?
 ওরে আমার হারামাগিক ! ওরে আমার পাখী !
 কেমন ক'রে কোথায় তোরে আড়াল দিয়ে রাখি ?

এষে রে তোর চির-চেনা স্নেহ,
 তুই ত আমার ন'স রে অতিথ অতীত কালের কেহ,
 বারেবারে নাম হারায় এসেছিস্ এই গেহ ।
 এই মায়ের বুকে থাক্ যাছ তোর ষ'দিন আছে বাকী,
 প্রাণের আড়াল করতে পারে সৃজন-দিনের মা কি ?
 ওরে পাগল ! হারিয়ে যাওয়া ? সেত চোখের ফাঁকি ।